

محل مطبعه و اداره :

جفـال اوغلندۀ امنيت
صندوغي جوارندۀ
شنكول يقوشندۀ
۲۲ نومرو

مستشرقین

اخطار :

مسلكمزه ووافق آثار
جدیدہ مع الممنونیه
قبول اولنور

درج ایدلمه یں آثار اعادہ اولنماز

دیر ، فلسفہ ، علوم ، حقوق ، ادبیات تاریخ ، و سیاسیاندرہ و بالخاصہ احوال و شئوہ اسلامیدرہ بحث ایردو هفته دہ بر نشر اولنور .

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتدہ نسخہ سی ۵۰ پارہ در

قیرلہ دن مقوا بورو ایله کوندریلیرسہ سنوی

۲۰ غروش فضلہ آلنیر

آبونہ بدلی

سنہ لکی	التی آیلنی	غروش
ممالک عثمانیہ ایچون	۶۵	۳۵
روسیہ	۶۵	۳۵
سائر ممالک اجنبیہ	۱۷	۹

آلتیجی جلد

۶ ربیع الآخر پنجشنبہ ۲۴ مارت ۳۲۶

عدد : ۱۳۵

کچن کون احتیاج سوقیه دواثر حکومتدن ، پوسته خانه به مراجعت ایتدم . (غلطه ده کی) پوسته خانه نك تنهالنی اولانظر دقیمی جلب ایتده دی ایسه ده ، بر آز صکره حکمتك نه اولدوغنی آکلادم . بن هنوز دائرة مخصوصه سته دوغرو ایلروله مکده ایکن (افتدی) دیه قولاغمه برسس کلدی . اطرافه باقدیغمده پوسته خانه خدمه لرندن برینك نی چاغیرمقده اولدوغنی کوردیم . بولوندوغم محله توقفه نی چاغیرمقده اولان ذاتك سریع خطوه لر ایله بکا تقریبه انتظار ایتدم . یانمه کلدیکنده ، « نه ایستورسکز ، بو کون مأمور افندیلر یوقدر . دائره لر قبایلدر . » کبی بر شیلر سویلیدی ایسه ده بن حالا مسئله نك فرقه وارانمادیغمدن بو حریفك نه دیمك ایسته دیکنی آکلامه چالیشیوردیم بوسرد ، مخاطبم آرتق حده کله رك « بو کونك بازار اولدوغنی بیلمه یورمیسکز . یالکز مکتوب ویره یلورسکز باشقه کیسه لر یوقدر . » دیدی . بن ده آرتق نه اولدوغمك فرقه وارمقسزین ، بوشده قارشنی (یا اولیله می) کله سندن فضله سنی صرف ایده مکسزین ، آلیق آلیق اطرافه باقینه رق بر آن اول اورادن اوزا قلاشمه مجبوزیت حسن ایله دم .

یوله کیسدرکن بوندن اول تصادف ایده رك اهمیتسز کوردیکم برنجی مسئله عقلمه کلدی . بو سبدن دولای اولدقجه قارشق بر فکر ایله مسکنمه عودت ایتدم .

مساعده کنزله برنجی بی ده سزه عرض ایدیم :

ینه بوندن ایکی هفته اول جمعه کونی ساعت دو قوز بجق ، اون راده لرنده بك اوغلندن کچوردیم . هنوز توندن چیقارق غلطه سراینه دوغرو ایلروله مکده ایکن هراوج ، بش خطوه ده مسلمان طلبه لرینه اللرنده بر چانطه و بر قاج کتاب اوله رق تصادف ایدیوردیم . غلطه سراینه بك آز بر مسافه ده ، کوردیکم بو طلبه لر میساننده یاقه لرنده (مکتب سلطانی) کله لر یازیل افندیلر واریادی جمعه کونی بو طلبه نك نره دن کلدیکلرینی اوکریمکی لازم و حتی کندمجه الزم بولارق اوراده بر آز توقفه بر مناسب ذاتدن صوردم ، بو ذات بکا بك قیصه اولارق (مکتب سلطانی یالکز بازار کونلری تعطیل ایدیلور) دیدی . بونی اولدقجه کافی بولارق ایشیمی تسویه ایچون یوله دوام ایتدم . نهایت کونك برنده بر دیگر آرقداشمه ده صورارق بو مسئله نك ماهیتی تمامیه آکلادم .

تریبه بی تکامله ، اخلاقی غایه اصلی به ایصال ایده جك ، دین و ملیتک نه دیمك اولدیغنی کنج لر مزه اوکره ته بیله جك وایولده استقبال ایچون بو وطنك بو ملتک عصرلرجه ادامه حیسانه مدافع یتیشدیرمکه مکلف اولان ، مکتبلریمز دکلیدر ؟

بویله بر اسلام مکتببنده [چونکه اوج ربعدن فضله سی مسلمدر] بازاری ایام تعطیلده دن عد ایده رك جمعه کونلری درسه دوامده کی مقصد و امید نه در ؟ یوقسه بز دینمزدن امین دکلی یز ؟ بزله قندن حقیقه مستفید اولق ایچون علم حالمزی بیلمک و اونك تعریفی وجهله حرکت ایتک ایجاب ایتزمی ؟

اون بش یاشنی دولدورمش بر مسلم اولادینه عجا جمعه نمازینی

قیلمق نه در ؟ قیلمایانك جزاسی نه در ؟ بونی یانمه سوق ایتنه بن ابونك مجاز اتدن حصه سی نه راده لرده در ؟ برده بونی یانمقده عادتاً ممانعت [چونکه آچقندن آچیفه ممانعت ایدن ذاتاً مسلم دکلدر] کوسترن ابونك جزاسنك براولکی ایله اولان مناسبتلری نه در جه لرده در ؟ ایسته بو سؤاللرمک جوابی بر طرز مناسبتده بن و بن کبی بر جوق قارلریکزه ایضاح ایتمه کنزی رجا و طلب ایلرم . چونکه بزله ترقی یی تقلیدده بولاجنز امیدیه بستیون فنا بوللره صابمغه باشلامقده یز . بو تقلید ایله ملیتی ده اونوتاجنز . نته کیم آبدی رکز ایتک فکری بزده عادتاً تعمیم ایتمکده در . حالبوکه بویله جه اسملرینك هیچ بر زمان اونودولماسی الزم بولونان ، وطنپرور ، عالم ، فداکار ، رجا لیمز نامنه ، دکل بر قوروستون ، بلکه اورادن ، منور فکری و وطنپرورلر ، عالمز ، فداکارلر یتیشدیر یله بیله جك طرزده احتیاجنز نظر دقه آلینارق بر مکتب ایله اونك قسماً وارداتی تشکیل ایده . بیله جك مؤسسات نافع و جوده کتیرملی یز . عجا بزم هانکی قضا و یاسنجاغمز ده معارفك بر بناسی وار ؟ آبدی لر آنحق زنکین اولدوغمز زمانه تعلیق ایدملی . نتیجه اولارق دیمك ایسترمکه بو یاره سزلغمز ایتساننده یاره مزنی الزم اولان نواقصك اکالی ایچون صرف ایتمه کسای بولونالم دکلی ؟ سز لری تصدیع ایتدیکمدن بشکار عفو یکیزی طلب ایله ختم کلام ایلرم ایتدم . مهندس مکتبی طلبه سندن طرابلس غرابلی

محمد اکرم

بیان تأسف

محضاً تفرقه و نفاق یوزندن عصرلرجه آلام و مصائب ایچنده ، واسارت آلتده قالان میلیونلرجه قارداشک ، بی نهایت اقوام اسلامیه نك الاله ویرمک ایسته دیکی شوزمانده آرارینه نفاق صالمق قدر بیوک برجنایت اوله ماز . کیم بیلیر هانکی ملتک افکارینی تصویره قالدیشان بر غزته ، کچن کون ، موسقوف طهارارینه آره صره دوکولش اولان تاتار قانلرینك بوقومی دائماً خونخوارلغه سوق ایده جکی یولنده غایت معناسز بر تجاوز ایله ۲۰ - ۳۰ میلیون تاتار - مسلمان قارداشلریمزی کوجندیردی . بو حقارتدن غلیانه کلن روسیه لی مسلمان طلبه نك مراجعت واقعه لر ی اوزرینه شو اثر ذهلدن طولای اعذار ایده جك یرده ینه اوغزته قباحندن بیوک بر عذر سرد ایدرک دها زیاده هیجانه سببیت ویرمش و بته عثمانلی مسلمانلرینی تاتار قارداشلرینه قارشنی دوچار خجالت ایتشدیر . اوز قارداشمز اولدقلری تاریخك و عنعنات ملیه نك شهادتیه ثابت اولان بر قسم مسلمان قارداشلریمزی (خونخوار) لقله توصیف جرأتنده بولمق ، فوق العاده شایان تأسف در . بو خصوصده بزم ایچون مدار تسلی اوله جق برشی وارسه اوده بوصایغیسزلنك قرق ملیسون خلق ایچنده یالکز متجاوزک شخصنه انحصار ایده رك اودا نره دن ایلری کچمک احتمالی اولماسیدر .